



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

9. Dies Aprilis. Deus sic curat unum quemque nostrum, velut solum curet;
& sic omnes, tanquam singulos.

urn:nbn:de:hbz:466:1-45477

Aprilis.
in lenoc
ni fulgor
; tenebr
a caligin
erra, fuc
objectisq
& Divinis
in famili
ne doli, in
nscriptio

beatosp
ustriâ, &
venerint
nt jam co
agistratu
iam locu
onio stre
metu, &
hoc est in
os vocat
statur. E
sapientia
es in the
dè abjice
tem affli
quomodo
imper cor
te opum
atur Apo
facit De
nem cœli
merita

Aprilis.

Tessera.

267

merita Christi, perfectiones Dei; ac ipsum denique rebus omnibus postponit Deum. In hoc unum intendunt filii hujus sæculi; ut spernant illa, quæ perstant per omnium perpetuitatem sæculorum: satis est, si hîc turgeant fastu, & polleant æstu memores illius:

Æstu vincit homo, cuncta creata solo.

9. DIES APRILIS.

Deus sic curat unumquemque nostrum, velut solum curet; & sic omnes, tanquam singulos. *S. August. l. 2. Confess. cap. II.*

Sollicitudo
nimia in
tempora-
libus.

Astutiam subsequitur Sollicitudo, quæ tunc prudentiæ opponitur, dum totam Rationem absorbet excessu cogitationum de rebus temporalibus. Quid te angit, imò sollicitat sollicitudo; cum tantum tibi uni invigilet tota Dei providentia, ac si in tota hac rerum universitate esses solus? scilicet Rex, qui omnibus providet, qui sibi sunt à manibus, pedibus; à literis, ministris, colonis, agasonibus, mancipiis; imò falconibus, canibus, equis, felibus; Filium suum unigenitum, unigenitum, Regni hæredem, sceptri successorem; quem unum gerit in oculis, alit in fibris, habet in delitiis, destituet rebus ad vitam necessariis? Expende hodiernæ diei tesseram, & mitte de rebus perituris curam superfluum. Sed una est hominum sollicitudo: nescio, an deploranda Heraeliti fletu,
an

an explodenda Democriti risu? quæ tota vergit
 terram, & quæ sunt terræ; ad corpus, & quæ sunt
 corporis. Pro quæstu pecuniæ labor maximus, cu-
 liber est levis; pro auctu Gratiæ, labor minimus, cu-
 vis est gravis. (a) *O gravis corde!* verè excordes,
 væcordes. Septem annos impendimus pro politio-
 ris literaturæ scientia; vix totidem dies, pro excoles-
 da & expianda conscientia. Litigamus pro umbra
 asini; vix ad diem laboramus pro regno Dei. Ubi
 agitur de re nauci, ut omnia perspiciamus, sumus o-
 culis Lincei; ut laboremus, manibus Centiman-
 ut curramus, sumus pedibus Mercurii. Ubi agitur de
 æternitate felicitàtis, sumus toto & corpore & ani-
 mo paralytici, tepemus, languemus, jacemus, deli-
 demus.

II. Quæ negligi sine periculo poterant, certatim
 quærimus: quod apprimè curandum erat, contem-
 ptim negligimus. Ut sit fertilis ager, ut domus com-
 posita, ut officiosus servus, ut sollicitus procurator,
 ut splendida vestis, ut nitidus equus, ut pulchra uxor,
 ut compta ancilla, ut cultum corpus, nemo non stre-
 nuè laborat: ut sit cultus animus, cur non tantum
 est postrema, sed nulla. *O cives, cives, quærenda petu-
 nia primum, virtus post nummos:* sic est hodie, sic erit
 Flacci sæculo: sic erit temporibus nepotum, & pro-
 nepotum. Sed (ut res erunt, indies pejora conjicio
 quamvis jam pejora vix possum nedum timere, sed
 fingere) certè sic vivitur: eoque criminum, ac furto-
 rum ventum est, ut procedi ulterius sine publico
 præcipitio non possit. Nunc, nunc impletum est
 quod Satyricus ante tempus dixerat. *Omne in præ-*

(a) *Psal. 4. 3.*

Aprilis.
a vergit
z quæ sunt
imus, cu
imus, cu
cordes, l
o politico
o excole
pro umbo
Dei. Un
sumus o
entimam
i agitur
ore & an
mus, del
certatim
, contem
imus com
ocurati
chra uxori
o non lit
on tantum
nda pecu
die, sic est
n, & pro
conjectio
nere, let
, ac fure
e publico
letum est
e in prac
pit

Aprilis.

Tessera.

269

puto vitium stetit. Enititur tamen pro viribus, ut
semper aliquid accedat vesaniæ, & malitiæ: nec un-
quam à Majoribus traditæ licentiæ si-
bus contenti-
erimus. Nunquam commitemus, ut mentitus videat-
tur Horatius, ubi ait: *Ætas parentum peior avis tulit*
nos nequiores, mox daturos surgentem vitiosorem,

III. Certè si duodecimam partem curæ quam
impendimus, ut pistor nobis bonum panem faciat,
impendissemus pro nobis, ipsi jam pridem boni esse-
mus, ut de annulis, de calceis, de calamistris fileam.
Sic est proculdubio, sic erit: semper curabuntur su-
pervacanea, semper negligentur necessaria. Nos re-
formidamus pati pro veritate in salutem, quæ alii
affectarunt pro veritate in perditionem. Nauseamus
ad antidotum, & inhiamus ad toxicum. Percurre
amplissimarum civitatum vicos, considera artes hu-
manâ industriâ excogitatas, animadvertite ingenia,
solertiam, perspicaciam, & quære, quid sibi velint
earum artium auctores: & vero veriùs reperi-
es om-
ne oleum in nocturnis lucubrationibus, omnem o-
peram in diurnis laboribus, omnem industriam in
studiis, omnes nervos ingenii in excogitandis arti-
bus expendi, ut eam hac vita mortali conquirantur,
quæ sunt mortalia, fluxa, caduca, peritura: pro æter-
nis, cælestibus, Divinis, non tantum nullus est labor,
sed nec desiderium laboris. Nunquam feriantur no-
stra studia, ut comparentur etiam nobis noxia. Au-
diatur hîc vox S. Gregorii: (a) *Filii hujus sæculi,*
pro temporali gloria usque ad mortem desudare appe-
tunt: pro spe perpetua, nec parum quidem laborare sub-
sistunt. Pro terrenis lucris quaslibet injurias tolerant:

¶

(a) l. 19. Man. c. 16.

Et pro cælesti mercede, vel tenuissimi verbi ferre contumeliam recusant. Cave ab his futilibus curis, & conseneskas, & incanescas nugis; quia ut Poëta.

Cura facit canos, quamvis homo non habet annos.

10. DIES APRILIS.

Primum scientiæ vestibulum, scire quod nescias. *S. Fulgent. Mytholog. I.*

Ignorantia.

I. **I**Nter vitia, quæ oppugnant Prudentiam, claudit agmen; ex quo, velut ex equo Trojano, egreditur malorum agmen, Ignorantia. Quidni in eam, ut in quoddam inauspicatū portentum Satyricè invehat cum Satyrico Misoponero. (a) *Apage à me omnes, quos saxificum illud monstrum, Ignorantiam dico, stuprefacit, quibus oculi sunt instar talpæ, velo obducti, aures surdi, garrulitate obtusæ, nares lutulenti animalis obesa. Scarabæi gustatus assiduo fimo vitiatus, Et stupidus torpido frigore tactus ostreorum.* Quàm multi hoc exitiali Ignorantiæ morbo laborant! si quid illa sit, quæras, intelligere, non erit labor. Auctore Platone (b) *Inscitia est, quando quis falsa opinione decipitur, circa res plurimi faciendas.* Quis, quantumcunque sit ingenii subdilis, ab hoc malo est eximius? si aves augustum subire scientiæ sacrarium, hæc tibi sit prima lectio, in ejus vestibulo scire, te nihil scire. Ignorantia tam est vulgaris, ut non tantum occupet vulgus, & plebeia capita, sed mundi Oracula, & ingenio-

(a) *In Satyr. c. 5. (b) Protagon. p. 248.*